



湖廣按察司分巡下荆南道副使苗

為魚

議守樊簡易要着事崇禎捌年貳月拾壹日

據襄陽府呈於崇禎柒年拾壹月拾玖日蒙

本道牌照得秦中大寇日益蔓延樊城無城

勢難居守况夙有商賈輳集之名為賊所垂

涎本道議復築城垣言之兩載樊城居民無

一應者樊人不自為樊計令官此地者亦柰

之何今本道另作一簡易救急之法除臨江

一面借水為險不必另議外將北一面并東西兩面酌照地形量明丈數先築敵臺拾餘座每臺橫直各廣貳丈用磚包砌上作漿口可施火炮箭石仍覆以瓦屋其兩臺相去之空地各築土牆厚叁尺高壹丈伍尺覆以瓦片兩頭俱與敵臺緊接卽以舊城址為牆基至於應通門戶處所仍舊設門用當年舊門名目覆以小樓如此做去用牆以護樊用臺以護牆無修城之費而有守樊之實且措料興工數旬可成加以襄兵千餘民兵叁千餘斷無有鼠竊賊徒妄思蚕食樊城者萬一有倣我兵卽上敵臺彎弓燃炮縱令賊有鐵騎亦豈能近牆壹步此則樊人百年之計也合行急議仰襄陽府會同廳縣廣集鄉紳士耆從長妥議要見此法果否可行果否有益於襄樊錢糧作何設辦督造當用何官逐一妥

確商量或謂此舉無益人情欠愜即取樊城
青矜鄉耆不願舉行其結附卷定限本月貳
拾伍日具詳報奪萬毋似前番之摸稜高閣
也等因蒙此遵奉備行廳縣去後隨於拾壹
月貳拾壹日該本府署印同知范汝粹通判
魏士清推官江禹緒襄陽縣知縣朱希菜會
同鄉紳劉給諫汪給諫朱叅政湯叅政舉人
曾魯得等府縣兩學生員張洪養吳士奇等
鄉約耆老萬世英鄧承祥等齊集樊城仁皇
寺會議皆稱寇氛震隣兵力單弱樊城必遭
敵臺方可備禦事不容已勢不可緩等情隨
據府縣儒學居樊生員張洪養吳士奇葉進
樑楊令德王之佐王印曾魯楚產等壹百叁
拾貳名連名呈為仰遵憲諭公議防守事襄
陽樊城勢切齒唇但樊城城圯多年毫無保
障且今賊勢孔亟益難踈虞幸蒙仁恩太文

宗師示行府縣公集鄉紳士民人等酌議建
鏡臺浚城濠練鄉兵嚴夜巡保民防賊俱屬
急務今除團練巡警外所有城堡條款原係
公議列為肆款一金城湯池保障並重城工
難與則濬濠誠不可緩今擬離城尋餘開掘
故濠廣深各壹丈其土或培舊城或築鏡臺
在城濠近被居民潛種且傍城墳塚雜處
宜速移遷去此是形遷徙不惟免於壘紛且

且思及枯骨矣一威敵擊遠無如鏡臺今除
西敵臺水星臺不必修補外惟缺口止設木

欄東敵臺僅添鏡臺屋若朝覲門關王廟在
門廬家門俱屬孔道應傍城築臺上起鏡臺
下峻門欄其餘城關尚多宜添窩舖一八
既空必求民間以樊救樊無能他誘萬不得
已請立印簿協同鄉保無論鄉紳官役及
城人戶俱照房募蠲上戶中戶次戶即無房

而實有資本者亦參等派募銀徵入官買辦
支費酌委能幹公正耆老各坊生員亦公議
老成者監紀但房屋雖壹而上下地方僻闊
殊懸其間店租相去倍蓰各方募收從公增
賦不得徇情一槩比例一無財蠲助應效力
後今各坊士民盡充義兵日則團練夜則巡
警復起夫役情實不忍無奈土工浩繁計窮
他代今擬單丁難抽外其餘無論優免照舊

丁多寡挨門輪抽即在官人役不得借口希
免亦不得老弱塘塞違者呈究至應用鐵鋤
箕擔各夫隨便自備准奔杆跳板地方小
借辦等情又據樊城鄉約萬世英鄧承祥郭
賜胡朝紀方克猷聶文堯盧國光等連名呈
為懇先急務以預防守事樊城為隴市人民
流寇迫近敵樓戰濠正所當脩又有團練義
兵募兩營新兵各有鋒利火炮堅守堆備萬

無一失懇乞仁慈詳度施行深為萬便啣結
具呈等情據此又該本府署印同知范汝楙
會同通判魏士清推官江禹緒襄陽縣知縣
朱希棻看得樊城雖有襄兵鄉兵足資捍禦
乃舊城久圯守之實難今蒙憲檄議築敵臺
拾餘座以固君守此誠目前第一緊着且
勞未逸數百年綢繆之石畫也職謹會同
郡鄉紳舉人生員鄉約耆老等集議咸稱
城之築敵臺計出萬全勢難再緩無容另議
至於所用工料議於柴地方各照房舍派銀
出辦所派房舍仍酌分上中下叁等逐戶挨
查公定等則蓋為樊而築敵臺即就樊而派
工料情理應得衆論僉同矣其工料之細數
房舍之等則督理之員後料價之收放請乞
批示允行另行申報等因到道據此又該本
道看得樊城與襄陽城南北並峙僅隔一江

樊城商民輻輳煙井數萬家東西延袤其
柴里在前代原有堅城與襄為犄角無復可
問已非一日及嘉隆年間補建新城旋即
圯今惟有土基高丈許且乎成平地在前
蔣無儼即夜戶可以不扃民無戒備官有餘
閒土木之後洵屬緩畜而今非其時矣試觀
兩年來流寇兩犯楚中樊人負芟有與駢趨
城內狼狽之狀不忍見聞夫後寇覓江干遺
每有賊儼即竭襄之兵力強半注於樊賊
群寇懾於有備未敢妄窺一步而各部精兵
遂不能舍樊而遠事征勦不幾以一樊城沾
滯全襄乎若臺牆一成兵可四應至便計也
於今臺牆之築已勢不容緩工作之需在房
舍起科衆論僉同有封疆之責者又何憚數
月之勞不為樊人作百千年之逸乎且也出
納之籍委之土人即府縣諸司無嫌可避董

率之責本道蚤已力肩及是時鳩工辦料又何待焉若夫輸銀之則市口與小巷有別高堂與小廈有別自伍錢以至參兩止彼茅舍數椽及僦屋而居者皆置毋問此蓋數月之商確萬億之同心不過損諸人匝月之佃租綽然有餘揆以情理酌之時勢原非厲民地方士庶所以都無異議耳伏候

本院詳允再將總委分委官員併開工月日另文具報等因呈詳奉

治院盧

批樊城巨鎮築臺以禦寇集兵以

守臺此目前最喫緊之務也再加以墻壕是無城而有城矣但輸財輸力此際尚費調劑既鄉紳士庶衆論僉同如議舉行委官開工該道仍加意董率另文詳報仍候

兩院詳行繳又奉

撫院唐

批樊城重地防禦宜嚴據詳多方

建造詢謀僉同如議速行仰道不時省試無
容草率塞責致負苦心繳切切又奉

按院余批樊城富庶之區賊所垂涎綢繆
宜早據詳築敵臺拾餘座聯垣濬溝誠保障
萬全計也至工費之需酌分井井更不厲民
尤為救時確畫如議嚴檄督修早竣厥工繳

崇禎八年三月

日

湖廣按察司分巡下荆南道副使苗

賊氛再犯要地宜防謹陳襄南兵餉要務乞

賜裁定以資戰守事竊照楚省地居肆衝而襄

陽一郡尤屬南北咽喉古稱戰地一望平壤

直達中州間有陵阜亦按轡可登非若潼關

太行一夫當關九泥可封之勢者迺自流寇

南奔參楚震動襄以粗有傍備屬邑瓦全耶

魯一犯南漳輒被創去然代拾肆郡耽勞作

苦于役經年襄吏之心血襄民之膏脂蚤已
竭盡無餘於今流寇再發逆氛甚惡視昔有
加舍治兵之外再無他策而兵必需餉量沙
畫餅不足以飽士馬豈得不亟亟議之查襄
陽自衛軍之外別無他兵而衛軍自漕運班
軍之外亦僅選鋒陸百然衛軍脆弱且更替
無常係天下之通弊自本道蒞任後始增各
縣新兵伍百又搜簡原設崇屬民壯伍百以
之同新兵分防崇川縣差有軍容但分別力
單不足戰也又招選精銳陸百名分作襄兵
鎮南兩營以戰將貳員統之見在訓練頗覺
可觀但衛軍民壯有額餉者也州縣新兵已
經各有司奉有派定者也獨襄兵鎮南兩營
兵餉歲費湏肆千餘金毫釐無可因藉本道
同府縣有司骨上起肌無中生有僅及其半
而其半尚無着落外此而衣裳而器械而犒

賞俱不與焉今雖徧視襄屬桑麻無恙頤南
北東西無非賊壘將來窮獸狂突實不可知
此時欲練兵則苦於巧炊無米欲散兵又思
夫捲土重來計散之不可必湏於練而委曲
那措以餉諸兵不能不借

憲臺之主持萬不得已請暫行鼓鑄復苦無鑄
本又不得已暫行稱貸已商同鄉紳借義民
叁伍家本銀若得貳叁千金道府縣公給印
照而鄉紳公同秤免收發木道委官專管
銅鑄錢所得息銀盡充襄兵鎮南而營兵餉
賊平兵散日即行停止其本銀仍會同鄉紳
各還原主一切督理譏防事隸本道而一出
一納各立簿籍以襄刑廳司之再照鑄錢
事也借銀惡名也本道夙號硜硜寧耳且此
不遑但寇禍不休散兵無日以求之
廟堂未即命允而一郡之事復不敢煩

上臺經畫合此鑄息更鮮奇籌至開鑄後本道
必不嘗門一變誓諸

天日若夫委官之侵漁出入之混淆借本之負
欠鑄匠之欺盜有一於此本道願執其咎倘
係此舉難行惟有散兵一着然寇逼門庭恐
又空拳莫奮耳伏乞

本院主持以便奉行等因於崇禎捌年正月
貳拾日呈詳

之同新兵分防崇州縣差有軍容但分則力
單不足戰也又選精銳陸百名分作襄兵
鎮南兩營以戰將貳員統之見在訓練頗覺
可觀但衛軍民壯有額餉者也州縣新兵已
經各有司奉有派定者也獨襄兵鎮南兩營
兵餉歲費湏肆千餘金毫釐無可因藉本道
回府縣有司骨上起肌無中生有僅及其半
而其半尚無着落外此而衣裝而器械而犒

賞俱不與焉今雖徧視襄屬桑麻無恙願南
北東西無非賊壘將來窮獸狂突實不可知
此時欲練兵則苦於巧炊無米欲散兵又思
夫捲土重來計散之不可必須於練而委曲
那措以餉諸兵不能不借

憲臺之主持萬不得已請暫行鼓鑄復苦無鑄
本又不得已暫行稱貸已商同鄉紳借義民
叁伍家本銀若得貳叁千金道府縣公給印
票及草寇發一而馳報巡撫官知會一而
調所在官軍民兵相機撲捕毋致滋蔓爾受朝
廷簡用必須公廉勤慎正已率下務稱任使如
或因循苟且不能禁革奸弊以致豪猾恣肆
民失所必罪不宥欽哉故諭

勅

命

嘉靖十一年五月二十六日

勅湖廣分巡下荆南道邇來軍國繁費京邊額賦

多虧各省直徵收積欠起解不時皆由里排齊

吏相習爲奸州縣有司擅行那借種種弊端積

成宿蠹向以查盤槩委推官祇憑文冊了事以

致錢糧侵冒報運遲延茲以部議請給傳勅改

屬道臣今特命爾不妨原務每歲年終錢糧收

完之日出巡所轄州縣地方親弔收支文卷逐

一磨對該州縣一歲額徵若干收解若干支放

存番若干如有預支借解即查正項照數補還
如係小民拖欠即拘花戶對質完納至於赤曆
改洗流水總簿互異尤宜嚴究徹底清查務使
侵欺無所容奸拖欠不得借口每歲該部頒發
會派到遲令州縣官照丁地則例印造赤曆呈
道鈐印給發開徵之日每次收銀若干掌印官
填註京邊簿內約足正額先行起解即王府祿
米撫按公費師生廩糧驛遞支應等項俱不得
踰軼京邊之前併各項存留錢糧酌量次第設
法完納金花絹布綿絨茶蠟等項皆係上供急
需務完一年額數毋得多徵以累小民各州縣
本年徵收起解完日申報本府印給歲會書冊
候該道巡行稽查某先完某後徵某侵尅若干
追完起解備造文冊一報撫按一報戶部查考
其州縣官錢糧清楚解發如期即此便是循良
不必更求卓異倘有糊塗怠玩不急京邊多放

工食希充囊橐自行那借者呈報撫按據實叅處各以見在經營之官實行賞罰中有陞任行取事故等項查明歷任月日完欠數目方許離任不得仍前以去任各官及丞簿小吏薄懲寒去其爾所轄州縣天啓三年分以前京邊錢糧定限明年三月中解完天啓三年分查照前限奏報大要錢糧不計年分止計實徵京邊期於全完不得拖欠爾受茲委任宜殫力綜稽實心振刷毋避勞怨務期額賦不虧軍國充裕斯稱任使如或督查疎緩呈報遲延藉端按官一體查叅爾其慎之勉之故勅

煇

運

天啓四年三月初九日

之

寶

勅湖廣布政使司右叅議兼按察司僉事苗鼎
今命爾整飭鄖襄兵備兼理撫民分巡下荆南
道駐劄襄陽往來各該地方操練兵馬鋒利器
械修理城池禁緝盜賊稽查奸弊問理刑名撫
安流民若遇盜賊生發一面飛報撫治官一面
調集所屬官軍民兵相機撲捕毋令滋蔓勅內
該載未盡者悉照該部題准事理而行再照近
日部覆科議清屯田以贍軍餉一應操種事宜

加意料理蚤期底績爾受茲任使宜公廉勤慎
勉修職務以靖地方如或怠事曠職縱惡容奸
貽害小民廢弛武備責有所歸爾其慎之故勅

廣

運

崇禎五年九月初六日

之

寶

以差整飭鄭襄兵備兼理撫民分巡下荆南道湖

廣布政使司右叅議兼按察司僉事苗 爲申

飭吏治以課實效事照得本道釋褐十年半守

郎著閱世雖疎本心不昧其不敢自欺以欺人

者惟是實心拙守四字十年一日也所以口角

不能爲文飭舉止不能爲格套公移不能爲曲

徇綜核不能爲濡滯取與不能爲曖昧私心自

知之亦見於民生榮悴止爭虛實功名分定不

關巧拙況不祥之橫金即過斗亦有盡日而循
良之尸祝固入骨莫有磨時孰得孰失何去何
從不待知者而後辨也茲與諸有司戎職約一
洗舊格獨守官常毋有呼之而故不應毋有禁
之而故不清毋置民困於隔膜毋埒嚴傲爲故
紙毋使提疾徐之索者在吏而不在官毋使叢
賊社之神者人知而已不知行令人謂我實生
民民亦將謂官不浚我峴山芳圃豈異人事乎
至於本道之自居如諸款所載者言言根心步
步踏地究竟主於撫守而不能不以實心望之
諸賢者以相成也謬爲款件臚列如左

計開

重官評第一

天下人不同而愛名之心同官不同而惡臭之
心同一加以不趨之名終身莫贖固不重歟以
我爲惡陰隲之所不載若濡墨之際愛憎爲高

下意見爲執着情面爲可否一字褒彈即霜露
殊施天將鑒之而鬼將嘲之以後府廳州縣將
各官考語事實必核必詳依期報道毋得草草
應點本道再加體訪務如印泥畫沙絲髮不爽
卽以所定之官評爲評官者之斷案倘各官曠
職裂維徒爾黃緣竿牘本道血心耿耿終不能
於低昂中作造心語而本官先呈簡刺之而月
免

禁餽遺第二

餽遺者賄賂之別名也政以賄成尚可言乎每
聞有司之上交也到任遷官有賀生辰育子有
賀令節佳辰有賀接印交印有謝初見有贊陞
任有別篚筐交錯水陸雜陳似此緝繁幾無寧
日差役之追呼於此大肆其漁獵行力之苦累
於此歛盡其皮毛在當之者念茲一粒一絲皆
是民膏方且觸目愴懷何忍過而問焉迺庀具

者固已費出不貲付之東流矣至諛詞駢句驪
驪盈篇倘潤色倩人固屬惡套若珠璣結思尤
苦嘔心不如一槩已之留此一刻工夫置於存
用之地庶本道不至與孽作緣賢有司政可爲
贊贊下民造無量福耳如曰有舊例在未可廢
廢本道必不啓函

禁耗贖第三

官之操守猶女之守身才也女即至淫者語以夜

夜日挑必色赧而不辱官即至墨者加以羔羊

素絲必氣揚而不疑此之謂良心况則壞之賦

加之又加已盡之皮剝無可剝迺徵收之科或

加一或加二盡是敲骨取髓之心追贖之票夫

有力稍有力無非鬻子典衣之物凡此不祥之

金必爲鬼神所矚身口之飽溫有限饕餮胡爲

兒孫之福量易盈馬牛何苦清沈贖銀當自本

道始一切本道准行詞訟理冤禦暴而止斷不

在金丹之入告詞涉虛定擬反坐用懲終訟至
於有等奸棍捏可駭可憎之光景希圖准理
及見問官另具按狀方露真情一二再或捏藉
籍貫率害柔良其原告却不復赴理甚而窩盤
蹂躪得賂和息此不問而知為亂民該問官不
必鞫斷即將原狀按狀連人解道從重究懲若
無藝之贖鍰拆櫃之火耗賢守令必不屑此倘
吏書收頭偶頭前嫩不道訪有的據即坐名提

先毋謂今日不言也

清錢糧第四

錢糧為州縣重事經手錢糧為守令急務人而
知之本道舊在版曹見錢糧之欠額有司受罰
者比比也錢糧之部冊省冊不相侔者比比也
錢糧之州縣起解解後弊孔旁開者比比也

國賦日詘豈專在民窮財盡哉戶部新將起解在

留錢糧奉

古刊爲賦役全書從今部有定額而州縣遵行州
縣徵收而符合部額當無有銖兩舛錯者本道
奉有專頒

勅書一道錢糧不清與有責焉安得不一過而開
之本道欲將各屬經手錢糧自崇禎元年起崇
禎五年止或起解或存平糶或本管官徑自開銷
其間應入應出之額數及已完未完之實數彙
項若干某年月某人起解某項若干批廻某項若干
某年月某人領解未獲批廻某項若干徵完在
庫未解某項若干拖欠在民未完務要分年另
算每項下各備開派額完數欠數已解未解已
給未給字樣以及該年庫吏庫書姓名每錢糧
一項各爲一葉照本道另發冊式勒限造繳題
其面曰某府廳衛州縣錢糧清冊此係方今第
一義幸毋作泛常格套觀也

急公事第五

語云需者事之賊也需之義起於易雲上於天
乃不妨飲食宴樂以坐待霖雨耳非謂漫不事
事之爲需也此爲需則近於怠荒矣况一需
而廢時失事者於斯高下其手者於斯枝蔓旁
生者於斯夤緣竽牘者於斯節節叢好愈當棘
手言至此而需真爲事之賊矣今立程於此凡
一切關會事宜本道初以憲牌行之違限不至
則以票初催又不至則以票再催又不至則以

小木牌急催該州縣即用該承行吏書各一名
赴道繳牌開有一事不可刻期告竣者該印官
於憲牌初到日即具露預行聲說務明言不可
刻期之故又必自定一期明白申詳以便督催
至於一切前件并前道未結事件每季終一比
定要承行吏書正身赴道以便詢問若查是虛
替即將正身提究至於齎文赴比之吏書當以
該房科未完前件之最多者坐名赴道並於

帖內明開未完之硃語年月斷不可仿六房輪比之故套使本道按名敲朴猶同兒戲也倘累次提比仍爾悠忽該印官之才力可知定註券考至於一切文移本道俱于文到即日批荅倘有踰期該衙門便另文申請以彰本道怠緩之過

成衙官第六

州縣設有佐領官以軍補等名皆爲分理宣猷無非事者明經監行固經幾許琢磨即三考考例不謂盡無人品惟臨其上者姑與以寬假遂生其無忌以至濫取舖行擅受民詞甚而明通賄賂顛翻曲直惡極而不可掩狼狽以去此輩所以愛之也願吾儕成人以德嗣後官有箴民有口開報有評品本道有三尺佐二首領官擅受一詞擅出一票許舖行被告諸人執其拘人取貨之票徑赴本道告理輕則提來戒飭重則

註以劣考若單款可據定拏問追贓依律正罪
必不使其辨此么麼一職飽載而歸凡此非詩
也繩之於先所以成之於後况衙官雖卑明經
厚自砥礪便可臚入薦剡以需優擢即監吏者
流亦可久膺冠裳舒張眉目清白二字正奉嘗
負人也

別衙蠹第七

蠹之爲我從石從虫是虫所以滋害石且虫之而
况其他乎若彼衙後一呈身於官府便有護身
之符方且爲狐假方且爲鴟張方且豺狼其心
而蜂蠆其手小則局騙唆訟大則捏訪窩盜甚
則順指佐領而惟所欲爲再甚則把持長令而
莫可誰何至惡貫既盈容身無地遂更名匿影
攬入別衙門如社鼠之不可燠矣該印官的當
開列事款不時報道以憑拏究本道仍不時察
訪或經告發而該印官尚如充耳則風力可見

一班也至拏究定罪之後或城旦或邊戍亦必
盡法箕筴然後發遣斷不使魍魎書見三尺無
光備石千中有一二奉公者亦宜稍濡沫之以
示勸獎噫木必先朽也而後蟲生之若輩蠹生
民蠹財賦究至蠹本官夫誰啓之爨哉至於本
道各吏役防範更嚴本道凡批詳呈狀盡是親
裁卽公檄曉示亦無代筆令快承差等後止聽
差遣別無干預倘有指稱謾及奉差科索各
守令密揭報道以憑究治慎毋以器鼠爲嫌也

清監禁第八

刻木畫地古人不得已而用之者在長民者
不過片紙隻語耳而一人械繫闔室不寧獄卒
之科索牢頭之常例淫刑之侵凌不知其凡幾
以至祝禱於神明乞靈於竿牘借援於叢神又
不知其凡幾甚而以之比納贖銀再甚而以之
追償私債官不酸心民惟刺骨本道此約到日

各印官即將見在監倉人犯人無論多寡事無論重輕造監簿倉簿各一本要見某人爲何事情係何衙門事件何年月日入監倉今因何未結務逐件註明十日內印鈐送道嗣後各州縣日行未結人犯責令本犯親戚族人之有身家者領保保而脫逃不妨重處保人非關係重大未宜輕寄監倉若囑前轍許該犯之父兄子侄赴本道投告先將獄吏倉吏提問然後駁詰根繇再行治罪心田惟人所自種因圖豈真是福堂吾曹其共念之

禁官價第九

賈人子之熙熙而來以利言耳彼日涉於驚濤峻嶺之間而鎗銖必較尺寸必衡未必盡取利如寄獨於官府之取用若有吝心非無謂也至屠肆菜傭本已無幾利於何有彼視作腹內之珠我忍削鍼頭之鐵實爲民牧斷不出此意或

官價二字階之厲乎一名爲官價勢不得不載
之硃票假之衙役官發其十猶恐轉屬而下有
不可知若官止給其六七承行之侵尅夫何尤
焉若復經月一筭閱季一筭販子流商誰是株
守者亦究歸持硃票之衙役耳而疾首而歛恨
而嗟而謗獨官受之皆此物此志也願官
價二字立地捨除從本道始本道斷不科取於
郡邑並不發一硃票凡日用米菜布帛諸物先
發價而後收用其價悉照民間貿易之數若有
指稱本道取用或持票或口傳或賒欠或短少
或色銀低錢各商販即將本人扭稟本道以憑
重治賢守令愛惜元元必有同心至於各屬衙
官仍以官價硃票擅用行戶物件許諸人執原
票指名赴道告理本道即據以提問其出票之
官持票之後戒飭斥革定不姑息

嚴盜賊第十

綠林鼠竊自昔患之况襄陽水陸交通五方雜
輳鄖陽遠接東川山深林密又值隣封鼎沸水
旱頻災揆時度勢未可謂高枕日也倘作處堂
之燕不爲徙薪之謀待風起塵合然後倉卒畜
之必無及矣今除大創經久之策如清衛軍製
器械增勇壯練鄉兵等事容本道另行廣諏外
其爲目前寧謐計者無如嚴窩盜欲嚴窩盜無
知行保甲保甲之規則人人能知之保甲之

行亦人人能言之然牌上寫不必有人之姓名
架上插不必有刃之刀鎗卽三令五申何益於
數惟在賢有司將連坐法斷在必行彼盜賊未
必負竈裏糧亦豈能風餐露宿有賊發覺之處
必窮究其寄食何所投寓何人連坐法行人誰
胥溺當無不得之情形若得窩盜之家盡法無
赦至於本地豪棍如天罡地煞大小耗白虎神
等名色各植黨與一呼百應劫入於室攫金於

市尤而效之恬不知怪幾無天日矣此等奸惡
罪與盜埒而實情重於盜本道訪得頭目或經
告發審實定極力重究各豪棍縱不畏遣配獨
不變髮膚乎各印官仍將前項盜賊奸惡不時
摺報本道以憑拏問倘匿而不報或報而不速
將巡捕衙官提究仍轉聞

各院斥逐其正印官百里寄命不應爾爾本道
斷不敢負

簡書以徇情面也願言勗之

恤驛通第十一

本道家於晉梁之交輪蹄四應郵政之甚益知
之逼真者情理不大懸殊此中想亦應爾大都
一苦於餓損則馬夫暗尅料草者是也再苦於
把持則積棍之侵肥蠹衆者是也三苦於息錢
則如環不斷之夙債是也即此是病即此是藥
今新奉

明旨極其森嚴本道敢不兢兢欽守先總其大綱
一日掛號之必嚴路經府城者本道親驗掛號
固其所矣至道屬該州縣印官必查係真正勒
合馬牌或帶有公文與

欽例相符者方唯應付其與例不合及無公文可
憑者不許濫給違者提究該吏一日工食之必
時凡夫銀馬食定於每月朔日支給一次不得
累月總支亦不得隔日預支雖司鑰視爲稍煩

而張願待哺者猶可少甦旦夕亦有原無額夫
旋用旋雇者定當先給工食俾以糊口倘不如
約許夫馬頭將庫吏指名赴道告理一日驛棍
之必清此輩於走遞之竅熟而於分肥之計多
任其鋪排一手握定惡而畏之莫可誰何剔而
去之吾儕責也府州縣印官即盡數開款揭報
本道以憑拏問郵政其稍瘳乎顧三者其大端
耳一切興革事宜加意體恤出之湯火而存其

皮骨良有司日擊必真不妨一一敷陳不道日
望之矣

驅左道第十二

天下有道聖人之格言也不應復有左道然惟
左道別具一肺腸別闢一蹊徑其說愈奇其術
愈幻其動人處愈可立見所以田畯之皈依村
姑之持受以至市棍之假托視學者信聖人之
道爲尤篤若遠而黃巾近而妖蓮是也而未必

遽烈也必有一二人爲之傳頭名爲會茶講經
不遠數十百里結聚數十百人男女雜坐邪說
橫張間有黠者出因之起事而斬木爲兵變在
蕭牆矣允宜嚴禁各屬印官督率捕衙時時察
探市井鎮店梵宮道舍敢有團聚多人搬演邪
術誦呪書符會茶講經或四方烏合之徒夜聚
曉散凡此皆係左道不論生監軍民僧道人家
捕衙印官將爲首姓名聚徒事實彙甲

本道以憑拏究若該總甲不報印捕官印

不報本道別有風聞定將巡捕衙官行提戒飭

倘因而釀成大禍者印官亦難作袖手充類之

盡凡星人丹客羽士緇衣踪跡詭秘以至假稱

本道親識族人袖鬼說夢包攬設騙如本道別

示所關防者皆左道之流也皆在應驅之列者

也必宜立報本道以免煽惑亦地方清靜之

端耳本道憂天之見頗類杞人想賢有司不以



